


000385

069498

黃氏八種講

金匱懸解





昌邑黃元御坤載著

長沙徐樹銘校



內傷雜病

嘔吐噦下利

嘔噦者陽明胃病也下利者太陰脾病也胃以下行為順胃氣上逆則為嘔噦脾以上行為順脾氣下陷則病下利總以中氣之不治也中氣者脾胃之樞機壞則升降失職而吐利乃作此中多挾木邪以木鬱則剋土甲木逆於上則胃逆而為吐乙木賊於下則脾陷而為利補土疏木乃吐利之定法土旺而木達膽胃降則嘔止肝脾升則利斷矣

嘔吐一

問曰病人脈數數為熱當消穀引食而反吐者何也師曰以


發其汗令陽氣微膈氣虛脈乃數數爲客熱不能消穀胃中虛冷故也

此段見傷寒太陽篇汗多亡陽濁氣上逆是以嘔吐陽不歸根客居膈上息道短促是以脈數膈上雖熱胃中則是虛冷虛冷則水穀不消而病嘔吐也

### 嘔吐二

跌陽脈浮而濇浮則爲虛虛則傷脾脾傷則不磨朝食暮吐暮食朝吐宿穀不化名胃反脈緊而濇其病難治

跌陽者陽明胃氣之所變現也動脈在足趺上之衝陽故曰跌陽陽明胃氣以下行爲順脈不應見浮緊浮則胃氣之虛而不降也胃虛而上逆則脾虛而下陷陷則脾傷脾傷不能磨化水穀故朝食而暮吐宿穀不化名曰胃反



反者飲食倒上是反順而爲逆也緊澹者血寒而陽陷也  
脾敗不磨而脈見緊澹水冰地坼微陽淪敗陷而不升故  
爲難治

嘔吐三

脈弦者虛也胃氣無餘朝食暮吐變爲胃反寒在於上醫反  
下之令脈反弦故名曰虛

肝膽脈弦弦者木鬱剋土胃陽之虛也胃氣無餘不能消  
穀朝食暮吐變爲反胃宗氣衰微寒在於上醫反下之令  
土敗木賊脈反見弦故名曰虛也

嘔吐四

寸口脈微而數微則無氣無氣則營虛營虛則血不足血不  
足則胸冷

寸口者手太陰肺氣所變現也肺主氣寸口脈數而微者  
肺中宗氣之虛也水穀之化營氣行於經絡其大氣之搏  
而不行者積於胸中命曰宗氣宗氣者所以貫心肺而行  
呼吸營氣之原也無宗氣則營虛營虛則血不足宗氣之  
根實本於營血血藏於肝而血中之溫氣則化君火氣乃  
君火之降斂者也營虛血少不能化火陽衰於上故胸中  
冷血陰也而孕君火其性溫暖而和煦後世但言涼血而  
不知暖血誤人多矣

嘔吐五

先嘔卻渴者此爲欲解先渴卻嘔者爲水停心下此屬飲家  
嘔家本渴今反不渴者以心下有支飲故也此屬支飲

先嘔而後渴者積飲旣去而津亡作渴故爲欲解先渴而

後嘔者爲水停心下阻格君火是以作渴渴而飲水爲停  
水所阻乃復吐出此屬素有積飲之家也嘔家津液失亡  
本當發渴今嘔後反不渴者以心下有支飲停留所嘔者  
但是心下之水故也此屬支飲此段見痰飲欬嗽中

### 嘔吐六

病人欲吐者不可下之

病人欲吐者陳宿在上故不可下

### 嘔吐七

嘔家有癰膿不可治嘔膿盡自愈

此段見傷寒厥陰嘔家而癰膿當令其膿從嘔去不可降  
逆止嘔使膿無出路俟其膿盡癰平則嘔吐自愈矣

### 嘔八

噦而腹滿視其前後知何部不利利之自愈

此段見傷寒陽明濁氣上逆則生嘔噦噦而腹滿者太陰之清氣不升陽明之濁氣不降也前後二陰必有不利之部前部不利利其水道後部不利利其穀道前後竅通濁氣下泄則滿消而噦止矣

### 嘔吐丸

胃反嘔吐者大半夏湯主之

胃反嘔吐者前竅短瀆後門乾燥多有糞若羊矢之證蓋手足太陽兩經同氣水穀入胃脾陽消磨散其精華上歸於肺霧氣化津傳於膀胱太陽水道清通穀道滋潤是以小便不瀉大便不乾胃反氣逆肺金莫降津液凝痰化生痰涎二陰失滋枯瀆燥結故糞若羊矢下竅堵塞濁氣壅

泄逆而上衝故嘔吐不止緣其陽衰土溼中氣頹敗不能  
腐熟水穀化氣生津以滋腸胃下竅是以飲食不得順下  
而逆行也大牛夏湯人參補中氣之虛白蜜潤小腸之燥  
半夏降胃氣之逆中氣旺而水穀消下竅開而渣滓降濁  
氣不升嘔吐自止陰陽別論三陽結謂之膈手足太陽是  
謂三陽足太陽膀胱結則小便瀼手太陽小腸結則大便  
乾下竅瀼結濁氣上逆故食膈而不下總由陽明之陽虛  
膈膈與反胃頗同反胃之病在胃之上脘上脘氣閉則食  
不能入下脘氣閉則入而復出陽明之性陽盛則開陰盛  
則閉故也

大牛夏湯 七十

半夏二升 白蜜一升 人參三兩



右三味以水一斗二升和蜜揚之二百四十遍煮取二升半溫服一升餘分再服

嘔吐十

胃反吐而渴欲飲水者茯苓澤瀉湯主之

胃反嘔吐而渴欲飲水者溼盛胃逆而火不根水也以戊土上逆降路痰塞君相三火不得下蟄逆刑辛金是以渴生茯苓澤瀉湯苓澤瀉桂枝疏木而泄水薑甘白朮降逆而燥土也

茯苓澤瀉湯 七十一

茯苓<sup>八兩</sup>澤瀉<sup>四兩</sup>桂枝<sup>二兩</sup>生薑<sup>四兩</sup>甘草<sup>二兩</sup>白朮<sup>三兩</sup>

右六味以水一斗煮取三升內澤瀉再煮取二升半溫服

八合日三服

嘔吐十一

吐後渴欲得水而貪飲者文蛤湯主之

吐後渴欲得水貪飲者吐傷胃氣溼動肺逆鬱生上熱表

裏無降泄之路文蛤湯甘草大棗補土而益脾精石膏文

蛤清金而泄溼熱杏薑利氣而降逆麻黃發表而達鬱也

文蛤湯 七十二

文蛤五兩麻黃三兩生薑三兩杏仁五十枚石膏五兩甘草三兩大棗十二枚

右七味以水六升煮取二升溫服一升汗出即愈

嘔吐十二

嘔吐而病在膈上後思水者解急與之思水者猪苓湯主之

病在膈上嘔吐之後而思水飲是病去而津亡也其病當

解宜急與之水以益津液思水者痰飲雖去而土溼猶在

渴欲飲水恐其後致停痰猪苓湯二苓白朮泄溼而燥土  
最爲相宜也

猪苓散 七十三

猪苓

茯苓

白朮

等分

右三味杵爲散飲服方寸七日三服

嘔吐十三

食已卽吐者大黃甘草湯主之

食已卽吐者胃之上口必有溼熱痰塞大黃甘草湯大黃  
泄其鬱熱甘草補其中氣也

大黃甘草湯 七十四

大黃

四兩甘草

一兩

右二味以水三升煮取一升分溫再服

嘔吐十四

嘔而脈弱小便復利身有微熱見厥者難治四逆湯主之

此段見傷寒厥陰嘔而脈弱胃氣之虛小便復利腎氣之

虛腎司二便寒則勝於裏陽虛敗加以身熱而見厥逆者

陰盛於內而微陽外格故為難治宜四逆湯以回裏陽也

四逆湯 七十五

甘草 二兩 乾薑 一兩 附子 一枚

右三味以水三升煮取一升二合去滓分溫再服強人可

大附子一枚生薑二兩

嘔吐十五

諸嘔吐穀不得下者小半夏湯主之 方見痰飲

嘔吐而穀不得下者胃氣上逆濁陰不降也小半夏湯半

夏生薑降逆氣而驅濁氣也

嘔吐十六

嘔而發熱者小柴胡湯主之

此段見傷寒少陽嘔者膽木之迫胃土甲木從相火化氣相火鬱升是以發熱小柴胡湯參甘大棗補戊土而益中氣柴胡黃芩疏甲木而清相火生薑半夏降濁而止嘔也

小柴胡湯

七十六

方見傷寒少陽

柴胡

八兩

黃芩

三兩

半夏

半升

生薑

三兩

人參

三兩

甘草

三兩

大棗

十二枚

右七味以水一斗二升煮取六升去滓再煮取三升溫服

一升日三服

嘔吐十七

嘔而腸鳴心下痞者半夏瀉心湯主之

寒水衝激則腸中雷鳴膽胃升鬱則心下痞鞭心痞則火  
無降路必生上熱半夏瀉心湯黃芩黃連清上而泄火薑  
甘參棗溫中而補土半夏降逆而止嘔也

半夏瀉心湯

七十七

方見傷寒少陽

半夏半斤洗黃芩三兩黃連一兩乾薑三兩人參三兩甘草三兩大棗二十枚

右七味以水一斗煮取六升去滓再煮取三升溫服一升

日三服

嘔吐十八

嘔而胸滿者吳茱萸湯主之

嘔而胸滿者中氣虛寒膽胃汎升濁陰逆填塞於膈上也

吳茱萸湯人參大棗補中而培土茱萸生薑溫胃而降逆

也

吳茱萸湯 七十八

方見傷寒陽明

吳茱萸升一人參三兩大棗十二枚生薑六兩

右四味以水五升煮取三升溫服七合日三服

嘔吐十九

乾嘔吐涎沫頭痛者茱萸湯主之

此段見傷寒厥陰胃氣上逆濁氣翻騰則生乾吐肺氣鬱阻津液凝滯則生涎沫濁氣升填頭上壅塞則苦頭痛肺胃上逆之根緣中下之虛寒宜吳茱萸湯溫補中脘而降逆氣也

嘔吐二十

乾嘔吐逆吐涎沫半夏乾薑散主之

乾嘔吐逆吐涎沫胃寒而氣逆也半夏乾薑散半夏降其逆氣乾薑溫其中寒也

半夏乾薑散 七十九

半夏 乾薑 等分

右二味杵為散取方寸匕漿水一升半煎取七合頓服之  
嘔吐二十一

乾嘔而利者黃芩半夏生薑湯主之

乾嘔而利者甲木之賊戊土胃氣鬱遏不能容納水穀故下為泄利而上為乾嘔黃芩加半夏生薑湯甘草大棗補中氣而益脾精黃芩芍藥清甲木而泄相火半夏生薑降胃逆而止嘔吐也

黃芩加半夏生薑湯

八十

方見傷寒少陽



黃芩三兩芍藥二兩大棗十二枚甘草二兩半夏一斤生薑三兩

右六味以水一斗煮取三升溫服一升日再夜一服

嘔吐二十二

病人胸中似喘不喘似嘔不嘔似噦不噦徹心中憤憤然無奈者生薑半夏湯主之

胸中似喘似嘔似噦又復不喘不噦不嘔徹心中憤憤然煩亂而無奈者胃氣上逆濁陰翻騰溫溫沉沉心緒作惡之象也生薑半夏湯降逆氣而驅濁陰也

生薑半夏湯 八十一 此即小半夏湯而分兩不同

生薑汁一升半夏半升

右二味以水三升煮半夏取二升內生薑汁煮取一升半

少冷分四服日三夜一嘔止停後服

乾嘔噦者手足厥者橘皮湯主之

乾嘔噦者胃氣上逆濁氣湧汎也肺氣阻滯鬱生痰涎遏抑清陽不得四布故手足厥逆橘皮湯橘皮生薑降衝逆而行痰濁也

橘皮湯 八十二

橘皮

四兩 生薑 八兩

右二味以水七升煮取三升溫服一升下咽即愈

噦逆二十四

噦逆者橘皮竹茹湯主之

噦逆者山虛而胃逆也橘皮竹茹湯參甘大棗補中而培土橘薑竹茹降逆而止嘔也

橘皮竹茹湯 八十三

橘皮一斤 竹茹二兩 生薑一斤 人參兩 甘草兩 大棗三十枚

右六味以水一斗煮取三升溫服一升日三服

下利一

下利清穀不可攻其表汗出必脹滿

此段見傷寒太陰下利清穀脾陽陷敗雖有太陽表證不

可攻之攻之汗出陽亡清陽愈陷濁陰愈逆必生脹滿

下利二

下利氣矢者當利其小便

下利而失氣者溼盛而氣滯也當利其小便以滲溼邪

下利三

夫六府氣絕於外者手足寒上氣腳縮五藏氣絕於內者利

不禁下甚者手足不仁

六府爲陽其位在外六府氣絕於外者手足寒冷喘促而  
上氣蹇臥而腳縮也五藏爲陰其位在內五藏氣絕於內  
者下利不禁下甚者神氣敗泄而手足不仁六府以胃爲  
主五藏以脾爲主脾胃同主四肢故病皆見於手足也

#### 下利四

下利後脈絕手足厥冷晬時脈還手足溫者生脈不還者死  
此段見傷寒厥陰利後脈絕手足厥冷陽氣敗泄危亡在  
目若晬時脈還手足溫者陽氣來復可以回生脈不還者  
陽氣不復死無日矣

#### 下利五

下利手足厥冷無脈者灸之不溫若脈不還反微喘者死

此段見傷寒少陰  
以上文例之註  
看應脫此一句  
今校補

此段見傷寒厥陰下利厥冷無脈灸之不溫與脈不還是  
純陰無陽而反微喘者則氣不歸根必死無疑也

下利六

少陰負趺陽者爲順也

少陰腎脈趺陽胃脈胃土本剋腎水而水盛反得侮土以  
土生於火而火剋於水火勝則土能剋水而少陰負火敗  
則水反侮土而趺陽負凡病皆水勝而土負土勝而水負  
甚少也水勝則死土勝則生故少陰以負趺陽爲順仲景  
腎脈唐後無傳庸工下土開滋陰補水之門誤世殃民禍  
流千載今海內醫書連牀累架皆徐世勣作無賴賊時逢  
人輒殺者也俗子誦之以害生靈醫如猛虎人如孤豚誠  
足悲傷不可說也

下利七

下利脈沈弦者下重脈大者爲未止脈微弱數者爲欲自止  
雖發熱不死

此段見傷寒厥陰下利脈沈而弦者水寒木陷必主下重  
設脈大者是利亡肝脾之陽水賊土敗利爲未止若脈微  
弱數者是脾陽欲復肝邪將退爲欲自止雖外見發熱然  
續將內斂不至死也

下利八

下利脈沈而遲其人面少赤身有微熱下利清穀者必鬱冒  
汗出而解病人必微厥所以然者其面戴陽下虛故也

此段見傷寒厥陰下利而脈沈遲者藏陰盛而府陽虛也  
乃其人面色少赤身有微熱者是微陽欲復爲陰邪所遏

鬱於皮膚而不能透發也然陽鬱欲發必不終陷頃當衝透羣陰汗出而解但微陽孤弱未能遽出重圍難免鬱冒昏迷而後外達皮毛耳方其鬱冒之時病人必當微厥所以然者其面之少赤是謂載陽載陽者陽根微弱而下虛故也

下利九

下利有微熱而渴脈弱者令自愈

此段見傷寒厥陰下利有微熱而渴是陽復矣脈弱則水邪欲退故令自愈

下利十

下利脈反弦發熱自汗者愈

下利脈沈而弦者水寒而木陷也今弦而不沈是乙木有

升達之意再見發熱自汗則下陷之陽已升於上故愈  
下利十一

下利脈數有微熱汗出自愈設脈緊爲未解

此段見傷寒厥陰下利脈數而有微熱陽欲復也汗出則陽氣外達故令自愈設脈復緊則陰邪閉束陽陷而不升爲未解也

下利十二

下利脈數而渴者令自愈設不差必清膿血以有熱故也

此段見傷寒厥陰下利脈數而渴者陽已復矣故令自愈設令不差必清膿血以其陽復之過而有餘熱以傷陰也

下利十三

下利寸脈反浮數尺中自濇者必清膿血



此段見傷寒厥陰下利而寸脈反見浮數是陽復而上盛尺中自濇者是陰退而下虛也陽盛必俯侵陰位鬱蒸營分而膿血也

下利十四

下利腹脹滿身體疼痛者先溫其裏乃攻其表溫裏宜四逆湯攻表宜桂枝湯

此段見傷寒太陰下利而腹脹滿是太陰腹滿自利之證也其身疼痛則是太陽表證是當先溫其裏乃攻其表溫裏宜四逆湯以驅其寒攻表宜桂枝湯以驅其風裏溫而表攻則汗出不慮其陽亡矣

桂枝湯 八十四

方見傷寒太陽

桂枝 三兩  
芍藥 三兩  
甘草 二兩  
大棗 十二  
生薑 三兩

右五味咬咀以水七升微火煮取三升去滓適寒溫服一  
升服已須臾啜粥一升以助藥力溫服令一時許遍身發  
藥微似有汗者益佳不可令如水淋漓若一服汗出病差  
停後服

下利十五

下利清穀裏寒外熱汗出而厥者通脈四逆湯主之

下利清穀裏寒外熱汗出而厥者通脈四逆是少陰證而  
手足厥逆脈微欲絕乃厥陰風木疏泄故有汗出之證亦  
宜通脈四逆溫藏寒而通經脈也此段見傷寒厥陰詳閱  
傷寒少陰厥陰二篇此段之義乃明

通脈四逆湯 八十五

方見傷寒少陰此即  
四逆湯而分兩不同

甘草 二兩

乾薑 三兩

強人可  
四兩

附子

一枚頂大  
者生用

右四味以水三升煮取一升二合去滓分溫再服

下利十六

氣利訶黎勒散主之

氣利如前所謂下利氣也以肝脾溼陷二氣鬱塞木邊風動疏泄不藏而為下利利而隧道梗滯氣塊喧鳴而不條暢是謂氣利訶黎勒散行氣滯而收滑陷也

訶黎勒散 八十六

訶黎勒十枚煨

右一味為散粥飲和頓服

下利十七

下利肺痛紫參湯主之

肺與大腸為表裏腸陷而利作則肺逆而痛生而肺腸之

失位絛中氣之不治脾土不升而後腸陷胃土不降而後  
肺逆紫參湯甘草補中而緩急紫參清金而破瘀痰開而  
氣調各復肺腸升降之舊則痛定而利止矣

紫參湯 八十七

紫參半斤甘草三兩

右二味以水五升先煮紫參取二升內甘草煮取一升半  
分溫再服

下利十八

下利後更煩按之心下濡者爲虛煩也梔子香豉湯主之

此段見傷寒厥陰利後陽泄不應生煩乃更煩者是陽復  
而有內熱也承氣證之煩心下鞭滿是謂實煩若按之心  
下濡者是謂虛煩緣陽復熱升熏蒸肺津而化涎沫心氣

鬱阻是以煩生宜梔子香鼓湯吐其瘀濁以清煩熱也

梔子香鼓湯 八十八 方見傷寒太陽

梔子 十四枚 香鼓 四合

右三味以水四升先煮梔子取二升半內鼓煮取一升半

去滓分二服進一服得吐即止

下利十九

下利譫語者有燥屎也小承氣湯主之

此段見傷寒厥陰下利譫語者是膽火傳於胃土胃熱而

有燥屎也宜小承氣湯下其燥屎以泄胃燥此下大承氣

四章皆少陰之負趺陽下利之順證也

小承氣湯 八十九 方見傷寒陽明

大黃 四兩 枳實 三枚 原樸 三兩

右三味以水四升煮取一升二合去滓分溫三服得利即止

下利二十

下利三部脈皆平按之心下堅者急下之宜大承氣湯

方在瘧病

此段見傷寒可下中

在汗下宜忌篇內

寸大於關關大於尺人之

常也是以三部脈不平三部皆平是乙木鬱於尺上不能上達故尺與關平甲木鬱於關上不能下達故關與尺平乙木陷則臍下脹甲木逆則心下堅若按之心下堅者是甲木之逆也戊土被迫府不能容故見下利宜大承氣湯急下之以清胃府之鬱熱也

下利二十一

下利脈遲而滑者實也利未欲止急下之宜大承氣湯

此段見傷寒可下中宿食在中不能阻其表氣而鬱其裏氣故外滑而內遲裏氣鬱阻肝脾不升故利未欲止

下利二十二

下利脈反滑者當有所去下之乃愈宜大承氣湯

此段見傷寒可下中宿食在中鬱格陽氣不能內濟無復陰氣之翕聚是以脈滑

下利二十三

下利已瘥至其年月日時復發者其病不盡故也當下之宜大承氣湯

此段見氣寒可下中下利差後至其從前病起之期而又

發以之不盡故也當下之以絕其根

利下重者白頭翁湯主之

此段見傷寒厥陰肝氣遏陷鬱生下熱魄門重墜者宜白頭翁湯白頭翁清少陽之相火黃連清少陰之君火黃柏秦皮泄厥陰之溼熱也

白頭翁湯

九十

方見傷寒厥陰

白頭翁

三兩

黃連

三兩

黃柏

三兩

秦皮

三兩

右四味以水七升煮取二升去滓溫服一升不愈更服

下利二十五

下利便膿血者桃花湯主之

此乃傷寒少陰久利不止木鬱血陷寒溼腐敗風木摧

膿血桃花湯粳米補土而泄溼乾薑溫中而驅寒

而固脫也



方見傷寒少陰

乾薑兩一粳米升一赤石脂斤一 一半剉一半篩末

右三味以水七升煮米熟去滓溫服七合內石脂末方寸匕日三服若一服愈餘勿服

附方

外臺黃芩湯四 治乾嘔下利

黃芩兩三桂枝兩一人參兩三大棗枚十二乾薑兩三半夏斤半

右六味以水七升煮取三升分溫三服

昌邑黃元御坤載著

長沙徐樹銘校

內傷雜病

痰飲欬嗽

痰飲欬嗽者肺腎之病也而根實原於土虛蓋化水者氣也其職在肺化氣者水也其職在腎陽衰土溼則肺失清降而氣不化水腎失溫升而水不化氣於是痰飲作矣痰飲濁痰肺氣不布隔礙壅阻於是欬嗽生焉治欬嗽者去其痰飲治痰飲者培其土氣培土氣者疏木而泄水緣木賊中氣溼寒此痰飲欬嗽所由來也然則苓桂朮甘實爲痰飲主方自此而化裁之溫涼補泄意詳法周雖百慮而不一致實同歸而非殊途也後世庸工凡臨欬嗽必用清潤至於滋溼伐

陽茫然不知久而土崩人亡未有幸脫者百試不驗而千古皆同此輩心不可鑒也

### 痰飲一

問曰夫飲有四何謂也師曰有痰飲有懸飲有溢飲有支飲痰飲之處所不同名

### 痰飲二

問曰四飲何以爲異師曰其

瘦水走腸間漉漉有

聲謂之痰飲飲後水流在脇下

有之懸飲飲水流

行歸於四肢當汗出而不汗出身體疼謂之溢飲欬逆倚

息氣短不得臥其形如腫謂之支飲

其人素日肌膚豐盛今忽瘦削此由脾虛不能化穀食宿

水停肌肉不生也水走腸間漉漉有聲如此謂之痰飲飲

之行走於心下小腸之間者也飲後水流脇下欬唾鼓動  
牽引作痛如此謂之懸飲飲之空懸於肝膽之經者也飲  
水流行歸於四肢當化汗外泄而不得汗出水浸肢節身  
體疼重如此謂之溢飲飲之流溢於四末者也欬嗽氣逆  
倚物布息氣道短促不得眠臥營衛鬱迫其形如腫如此  
謂之支飲飲之支結於膽經而傷及肺藏者也支飲或左  
或右偏而  
不正如樹木之枝在木幹之傍在左則右倚物息在右則  
左倚物息以足少陽之經下胸貫膈而循脇位在胸側水  
飲阻隔膽經不降逆衝肺部無  
布息之地故欬嗽而不降也

### 痰飲三

水在心心下堅築短氣惡水不欲飲水在肺吐涎沫欲飲水  
水在脾少氣身重水在肝脇下支滿噎而痛水在腎心下悸  
水在心火敗水凌濁陰填塞心下堅痞動築氣息短促惡

水不欲飲水在肺氣滯津凝吐涎沫而欲飲水水在脾陽  
衰土溼少氣而身重水在肝經氣迫急脇下支結滿鞭噎  
而振動鼓衝作痛水在腎木鬱風搖心下動悸蓋飲食入  
胃脾陽蒸動化爲精氣上歸於肺肺金清和將此精氣散  
布於五藏六府十二經絡之中而經絡藏府皆得受氣氣  
降則化水水升又化氣水之在上氣方化而未盛故氣多  
而水少其象如霧氣之在下水方化而未盛故水多而氣  
少其形如瀆在上之水有清有濁清者化而爲神氣內歸  
於心肺濁者外泄而爲汗在下之水有精有粗精者化而  
爲精血內歸於腎粗者外滲而爲溺至於脾胃溼盛而陽  
虛則氣水不化而凝而爲痰飲痰者氣不化水薰蒸於上  
而凝結者也故其實厚飲者水不化氣淫洩於下而停痰

者也故其質薄痰飲之作雖由於肺腎之陽虛而實原於脾胃之溼盛後世庸工乃有溼痰燥痰之說不通極矣

痰飲四

夫心下有留飲其人背冷如掌大

心下火位而留飲居之是寒水之凌君火也太陽寒水之經行身之背其人背後寒冷正對心位其大如掌也留飲即痰飲之停留者上自心下下至小腸停留不散是謂諸飲之宗如水木之原本也自此而留於脇下則爲懸飲歸於四肢則爲溢飲結於胸旁則爲支飲是謂諸飲之支如水木之支派也

痰飲五

留飲者脇下痛引缺盆欬嗽則轉甚

足少陽之經自缺盆而入脇裏足厥陰之經自少腹而布  
脇肋脇下痛引缺盆者飲阻少陽之經經氣不舒故痛引  
缺盆欬嗽則經氣振動是以痛甚此飲之留於脇下而在  
肝膽之經者所謂懸飲也

痰飲六

胸中有留飲其人短氣而渴四肢歷節痛

飲阻竅隧肺無降路津液凝滯故短氣而渴溼流關節故  
四肢歷節煩痛此飲之自胸膈而流四肢者所謂溢飲也

痰飲七

脈沈者有留飲

火浮水沈自然之性也

痰飲八

肺土病痰滿喘欬吐則發寒熱背痛腰痛目泣自出其人振振身瞶劇必有伏飲

膈上痰飲阻礙肺氣壅滿喘促欬嗽是土溼而胃逆也一

日痰氣上湧嘔吐發作胃氣逆升則太陽不降太陽寒水

之經氣鬱遏管衛易位則發熱而惡寒營陰束其衛中之陽是以發熱惡寒

太陽行身之背逆而不降經氣壅遏故背脊痛胃逆則脾

陷肝木抑遏陷於水位是以腰痛腎位於腰是謂水位肝竅於目腎

主五液入肝為淚木鬱風動肝液升泄故目淚自出風木

搖動故振振而瞶劇如此必有伏飲緣飲伏溼旺土木雙

鬱是以見證如此

### 痰飲九

夫病人飲水多必暴喘滿凡食少飲多水停心下甚者則悸



微者短氣脈雙弦者寒也皆大下後裏虛脈偏弦者飲也

病人陽虛溼旺火升作渴飲水一多不能消化水阻肺氣

必生喘滿凡土虛食少而飲水多者水停心下鬱其水氣

甚者木鬱風動則生暈悸微者肺金阻格必苦短氣水旺

木鬱其脈必弦弦為木氣應見於左關若兩關雙弦者是

水寒土溼木氣不達乙木鬱於左關而不升甲木鬱於右

關而不降此皆大下後之虛脈若一手偏弦者此必飲邪

之偏在一方鬱其木氣也蓋飲泛土溼木氣必鬱生氣不

達故見弦象在左偏弦者飲在脾土在右偏弦者飲在胃

土也雙弦即偏弦之重者微則偏弦甚則雙弦實同原也

痰飲十

脈弦數有寒飲冬夏難治

弦數者少陽甲木不降相火逆升其必有寒飲鬱格冬時  
水旺下寒陽氣不升夏而水衰然相火升泄下寒愈劇皆  
難治也

痰飲十一

肺飲不弦但苦喘短氣

肺病痰飲金能勝木故脈不弦但苦痰飲阻礙喘促短氣  
耳

痰飲十二

支飲亦喘而不能臥加短氣其脈平也

支飲亦飲之偏結於肺部者故喘不能臥加以短氣其脈  
亦平而不弦也

痰飲十三

脈浮而細滑傷飲

水飲在中鬱格陽氣升浮不歸故如循貫珠累累聯屬流利不停其診曰滑其中實杆格之象水旺陰盛是以脈細

痰飲十四

病痰飲者當以溫藥和之

痰飲水寒土溼火涼金寒精氣埋鬱所作當以溫藥和之  
寒消溼化自然渙解蓋土不得火溼氣滋生此痰飲化生之原也土溼則土不生金痰凝於心胸下不制水飲聚於腸胃肺冷故氣不化水薰蒸而爲痰腎寒故水不化氣停痰而爲飲是以當溫也

痰飲十五

心下有痰飲胸脇支滿目眩苓桂朮甘湯主之

六下有痰飲停於胃口土溼木鬱膽經莫降故胸脇偏支  
脹滿目珠暈眩以君相同氣甲木失根君相飛騰魄魂浮  
蕩無所歸宿是以發眩目者神魂之開竅故眩見於目苓  
桂朮甘湯朮甘補中而燥土苓桂泄水 甄木也

苓桂朮甘湯

九十二

方見傷寒太陽

茯苓兩

桂枝兩

白朮兩

甘草兩

二兩

若四味以水六升煮取三升分溫三服小便得利

痰飲十六

夫短氣有微飲當從小便去之苓桂朮甘湯主之腎氣丸亦主之

微飲阻隔肺金不降是以短氣此緣土溼木鬱不能泄水  
當從小便去其水飲飲去而土燥則肺斂而氣降矣苓桂

尤甘湯朮甘補中而燥土苓桂泄水而疏木可以主之腎  
氣丸丹地澤苓清風而泄溼附桂茱萸暖水而榮木亦可  
以主之

痰飲十七

病者脈伏其人欲自利利反快雖利心下續堅滿此為留飲  
欲去故也甘遂半夏湯主之

留飲在下故脈伏而欲自利若利反捷快是留飲下行腸  
胃滋濡也雖水隨利下心下猶續續堅滿以水下未盡濁  
陰不得遽消然已非從前痞結之象此為留飲欲去故稍  
覺鬆軟也甘遂半夏湯甘遂半夏湯甘遂半夏湯  
培土而泄木蜂蜜滑腸而行水

甘遂半夏湯九十三

土質木鬱氣逆其利姑

三枚半夏十二枚以水一斗芍藥五枚甘草一枚

右四味以水二升煮取半升去滓以蜜半斤合藥汁煎取

八合頓服之

痰飲十八

腹滿口舌乾燥此腸間有水氣已椒蒘黃丸主之

腸間有水阻遏中氣升降不行是以腹滿若相逆升故曰

舌乾燥已椒蒘黃丸防已椒目泄溼而行水葶蒘大黃瀉

流而決壅也

已椒蒘黃丸 九十四

防已一兩椒目一兩葶蒘一兩大黃一兩

右四味末之蜜丸如梧子大先食飲服一丸稍增口中

津液渴者加芒硝半兩

金匱要略 卷之七 痰飲 防已椒蒘黃丸

痰飲十九

脈沈而弦者懸飲內痛病懸飲者十棗湯主之

水寒木鬱則脈沈而弦法當懸飲在脇欬噎引痛病懸

飲者木旺土虛不能行水宜扶土而泄水十棗湯芫遂大

戟決渠而泄水飲大棗補土而保脾精也

十棗湯 九十五

芫花 熬 甘遂 大戟 各等分

右三味搗篩以水一升五合先煮肥大棗十枚取八合去

滓內藥末強人服一錢匕羸人服半錢匕平旦溫服之不

下者明日更加半錢匕得快利後糜粥自養

痰飲二十

病溢飲者當發其汗大青龍湯主之小青龍湯亦主之

水與四肢當汗不汗而熱溢飲病溢飲者當發汗其陽氣鬱阻而肺熱者宜大青龍湯石膏麻桂清金而泄營衛杏仁生薑利肺而泄逆氣甘草大棗培土而補脾精也其陽氣衝逆而肺寒者宜小青龍湯麻桂芍藥發表而泄營衛甘草半夏補中而降胃氣薑辛五味溫肺而下衝逆也

大青龍湯 九十六 方見傷寒太陽

麻黃 六兩 去節 桂枝 二兩 去皮 石膏 如雞子 大碎 杏仁 四十枚 去皮尖 生薑 三兩 甘草 二兩

二兩 大棗 十二枚

右七味以水九升先煮麻黃減二升去上沫內諸藥煮取三升去滓溫服一升取微汗汗多者溫粉撲之

小青龍湯 九十七 方見傷寒太陽

麻黃 三兩 去節 桂枝 三兩 去皮 芍藥 三兩 甘草 二兩 炙 半夏 半斤 細辛 三兩 乾薑 三兩



二兩五味斤半

右八味以水一斗先煮麻黃減二升去上沫內諸藥取三升去滓溫服一升

痰飲二十一

膈間支飲其人喘滿心下痞堅面色黎黑其脈沈緊得之數十日醫泄下之不愈木防已湯主之虛者即愈實者三日復發復與之不愈者宜木防已湯去石膏加茯苓芒硝湯主之土溼胃逆不能行水故停飲胸膈阻隔肺氣喘促壅滿臆胃填塞甲木莫降故盤結胃口心下痞堅水旺木鬱不能升華故面色黎黑其脈沈緊木防已湯人參桂枝瀉脾而

邊界防已石膏泄水而清金也邪飲者病在膈間得之即

實者土溼木鬱而生不

正氣

此湯不愈者宜木防已湯去石膏之清上熱加茯苓以泄  
下淫芒硝以清下熱也其面色黎黑者靈樞脈經足少陽  
厥陰之經病則面塵脫色蓋木主五色人心為赤人腎為  
黑以肝木藏血而華色木榮則陽火發露而光華木枯則  
陰水鬱埋而晦黑木者水母而子火火明而水黯故也得  
之數十日醫吐下而不愈者支飲粘痰溼熱纏綿非用防  
已石膏不能泄也實者三日復發以溼熱在下病根伏留  
而不去也

木防已湯 九十八

防已

三兩 如雞子大 十二枚

人參

四兩 桂枝 二兩

右四味以水六升煮取二升分溫再服

木防已去石膏加茯苓芒硝湯 九十九

木防已二兩 人參四兩 桂枝二兩 茯苓四兩 芒硝三分

右五味以水六升煮取二升內芒硝再微煎分温再服微利則愈

痰飲二十二

假令瘦人臍下有悸吐涎沫而顛眩此水也五苓散主之

瘦人氣弱不能消水水停木鬱風動根搖故臍下振悸肺

氣不降津液淫蒸故湧吐涎沫君相失根神魂旋轉故顛

冒眩暈此緣水汎而土溼五苓散二苓澤瀉利水而泄溼

白朮桂枝燥土而疏木也

五苓散一百方見傷寒太陽

茯苓三分 猪苓三分 澤瀉一分 白朮三分 桂枝二分

右五味為末白飲服方寸匕日三服多服暖水汗出愈

卒嘔吐心下痞膈間有水眩悸者半夏加茯苓湯主之

卒然嘔吐心下痞悶膈間有水頭眩心悸者半夏加茯苓

湯半夏降逆而止嘔茯苓泄水而消滿也

半夏加茯苓湯 百零一

半夏升生薑一斤茯苓四兩

右三味以水七升煮取一升五合分溫再服

痰飲二十四

心下有支飲其人苦冒眩澤瀉湯主之

飲停心下陽不歸根升浮旋轉則生冒眩此由土敗水侮

故支飲土侮澤瀉湯白朮補中而燥土澤瀉泄水而排飲

也

澤瀉湯

百零二

澤瀉五兩 白朮二兩

右二味以水二升煮取一升分溫再服

痰飲二十五

嘔家本渴渴者為欲解今反不渴心下有支飲故也小半夏湯主之

嘔家津液燥動本當發渴渴者為飲去而欲解也今嘔吐之家反不作渴此心下有支飲隔阻君相之火逆刑肺金是以作渴渴而飲水不能消受是以作嘔新水雖吐而支飲未去是以嘔後不渴小半夏湯半夏生薑降衝逆而排水飲也

小半夏湯 百零三

半夏斤生薑斤

右二味以水七升煮取一升半分温再服

痰飲二十六

先渴後嘔為水停心下此屬飲家小半夏加茯苓湯主之

水停心下火升是以作渴飲而新水又停是以作嘔

痰飲二十七

支飲胸滿者厚樸大黃湯主之

支飲居膈肺之部清氣鬱阻胸膈壅滿此由胃土埋塞絕

其降路也厚樸大黃湯枳樸降逆而消滿大黃泄胃而通

痰也

厚樸大黃湯 百零四

厚樸尺一枳實四大黃六

枳實四兩

右三味以水五升煮取二升分温再服

痰飲二十八

支飲不得息葶藶大棗瀉肺湯主之 方見肺癰

支飲壅阻肺氣不得布息葶藶大棗瀉肺湯葶藶瀉飲而  
利肺氣大棗保土而補脾精也

痰飲欬嗽二十九

欬家其脈弦爲有水十棗湯主之

欬家脈弦此爲有水緣土溼木鬱是以脈弦疏泄不行是  
以有水宜十棗湯補土而泄水也

痰飲欬嗽三十

夫有支飲家欬煩胸中痛者不卒死至一百日或一歲宜十

棗湯

欬煩胸痛者支飲阻格膽肺不降也其病雖久而支飲未去猶宜十棗湯也

痰飲欬嗽三十一

久欬數歲其脈弱者可治實大數者死其脈虛者必苦冒其人本有支飲在胸中故也治屬飲家

久欬數歲是肺胃之常逆也其肺弱者土金未敗猶爲可治實大數者肺胃上逆陽氣絕根土敗於甲木金敗於相火是以死也其脈虛者必苦昏冒以其人本有支飲在胸中格其陽氣故也治法屬之飲家

痰飲咳嗽三十二

欬逆倚息不得臥小青龍湯主之

欬嗽氣逆倚物布息不得眠臥此支飲在胸膈氣阻而不



降也宜小青龍湯麻黃桂芍發汗而泄水五味薑辛下氣  
而止欬甘草半夏補中而降逆也

欬嗽痰飲三十三

青龍湯汗已多唾口燥寸脈沈尺脈微手足厥逆氣從少腹  
上衝胸咽手足痺其面翕然如醉狀因復下流陰股小便難  
時復冒者與茯苓桂枝五味甘草湯治其氣衝

青龍湯服下之後若多唾口燥寸脈沈而尺脈微手足厥  
逆氣從少腹上衝胸咽是汗後亡陽而風木鬱衝也傷寒  
汗後陽亡土溼水寒木鬱風動則發奔弛此亦奔弛之大  
意也多唾口燥者風木耗津而肺氣上薰也寸沈而尺微  
上下之陽俱虛也手足厥逆土敗而四肢失溫也氣從少  
腹上衝胸咽風木之上奔也其面翕然如醉狀因復下流

陰股陽明循面下行風木鬱衝陽明逆行故面熱升已而  
降則流陰股手足痺者汗泄血中溫氣經絡閉塞而不行  
也小便難者土溼木鬱不能疏泄也時復冒者飲阻陽氣  
升浮無根也此宜與茯苓桂枝五味甘草湯治其氣衝茯  
苓桂枝泄水而下乙木之衝甘草五味培土而降辛金之  
逆也

茯苓桂枝甘草五味湯 百零五

茯苓 四兩 桂枝 四兩 五味 半斤 甘草 三兩

右四味以水八升煮取三升去滓分溫三服

痰飲欬嗽三十四

衝氣卽低而反更欬嗽胸滿者用桂苓五味甘草湯去桂加  
乾薑細辛以治其欬滿

服桂苓五味甘草後衝氣即低而反更欬嗽而脇滿者乙木雖降而辛金更逆也用桂苓五味甘草去桂加乾薑細辛利肺而降逆以治其欬滿也

苓桂五味薑辛湯

百零六

茯苓

四兩

乾薑

三兩

五味

半斤

甘草

三兩

右五味以水八升煮取三升去滓溫服半升日三服

痰飲欬嗽三十五

欬滿即止而更復渴衝氣復發者以細辛乾薑為熱藥也服之當遂渴而渴反止者為支飲也支飲者法當冒冒者必嘔嘔者復納半夏以去其水飲茯苓桂枝五味甘草湯去甘草桂枝加細辛乾薑半夏湯主之

服苓甘五味薑辛後欬滿即止設其更覺復渴衝氣復發

者以細辛乾薑本為熱藥服之熱傷肺津應當逐時作渴  
津亡燥動風木乃發乃渴反止者此為支飲內停也支飲  
格其陽氣法當昏冒冒者胃氣升逆必作嘔吐嘔者復內  
半夏以去其水飲而止嘔吐也

茯苓五味甘草加乾薑細辛半夏湯

百零七

茯苓

四兩

甘草

二兩

五味

半升

乾薑

二兩

細辛

二兩

半夏

半升

右六味以水八升煮取三升去滓溫服半升日三服

痰飲欬嗽三十六

水去嘔止其人形腫者加杏仁主之其證應內麻黃以其人  
逆痺故不內之若逆而內之者必厥所以然者以其人血虛  
麻黃發其陽故也

服苓甘五味薑辛半夏後水去嘔止其人形腫者此衛氣

之鬱宜加杏仁利肺壅而泄衛鬱腫家應內麻黃以泄衛  
鬱以其人服小青龍後陽隨汗泄手足麻痺故不內之若  
逆而內之者必手足厥冷所以然者以汗泄血中溫氣其  
人陰中之陽已虛麻黃復泄其血中之陽氣故也

苓甘五味加薑辛杏仁半夏湯 百零八

茯苓 四兩 甘草 三兩 五味 半升 乾薑 三兩 細辛 三兩 半夏 半升 杏仁 半升 去

右七味以水一斗煮取三升去滓溫服半升日三服

痰飲欬嗽三十七

若面熱如醉此為胃熱上衝熏其面加大黃以利之

服小青龍後其面翕然如醉此胃熱上衝薰蒸其面若服

苓甘五味薑辛杏仁之後此證猶存宜加大黃以利之則

胃熱清矣

苓甘五味加薑辛半杏大黃湯 百零九

茯苓四兩甘草三兩五味半升乾薑三兩細辛三兩半夏半升杏仁半升大黃二兩

三兩

右八味以水一斗煮取三升去滓溫服半升日三服

附方

外臺茯苓飲

治心胸中有停痰宿水自吐出水後心胸間虛氣滿不能食消痰氣令能食

茯苓

三兩

人參

三兩

白朮

三兩

枳實

二兩

橘皮

二兩

五錢

生薑

二兩

右六味以水六升煮取一升八合分溫三服如人行八九里進之

皇清... 欽此

欽此

欽此

欽此

欽此

欽此

昌邑黃元御坤載著

長沙徐樹銘校彙

內傷雜病

肺痿肺癰欬嗽上氣

肺痿肺癰者欬嗽上氣之標欬嗽上氣者肺痿肺癰之本肺痿之病內亡津液而傷火燥肺癰之病外感風邪而傷溼熱溯其原委卽欬嗽上氣之積漸而成者也而欬嗽上氣之由來則因於胃氣之逆也仲景諸方溫涼補瀉立法非一而總以中氣爲主蓋未有土死而金生者卽未有土生而金死者見子而顧母仲景諸方未嘗有泄金而敗土也蓋欬嗽痰喘悉緣中氣之敗後世庸工但知清金泄火不知照顧中氣其下復加以滋陰補水之藥中氣淪亡未有不死者虛勞欬嗽



未必卽死而最難逃者庸工之毒手曠覽天枉惕目驚心天  
乎人乎不可解也

肺痿一

問曰熱在上焦者因欬嗽爲肺痿肺痿之病從何得之師曰  
或從汗出或從嘔吐或從消渴小便利數或從便難又被快  
藥下利重亡津液故得之曰寸口脈數其人渴口中反有濁  
唾涎沫者何師曰爲肺痿之病若口中辟辟燥欬卽胸中隱  
隱痛脈反滑數此謂肺癰欬嗽膿血脈數虛者爲肺痿數實  
者爲肺癰

熱在上焦者因欬嗽而爲肺痿肺痿之病由於津亡而金  
燥也溯其由來或從汗出而津亡於表或從嘔吐而津亡  
於裏也或從消渴便數而津亡於前或從胃燥便難津液

原爲又被快藥下利重亡津液而津亡於後故得之也寸脈虛數欬而口中反有濁唾涎沫者此爲肺痿若口中辟辟然乾燥欬卽隱隱胸中作痛脈又滑數此爲肺癰脈數而虛者爲肺痿脈數而實者爲肺癰肺痿因於燥熱故脈數而無膿肺癰因於溼熱故脈實而有膿也蓋痿者痿與而不振人之所以精神爽健者肺氣清也肺熱而金爍則氣耗而體倦是以痿靡而廢弛素問痿論肺主身之皮毛肺熱葉焦則皮毛虛弱急薄着則生痿躄也肺者藏之長也心之蓋也有所失亡所求不得則發肺鳴鳴則肺熱葉焦故曰五藏因肺熱葉焦發爲痿躄此之謂也五藏各有痿而五藏之痿則以肺爲根緣肺主氣而生化津所以浸灌五藏五藏之氣皆受於肺氣耗而津枯五藏失滋是以

痿也五藏之痿因於肺熱而肺熱之由則又原於陽明之燥故治痿獨取陽明化氣於燥金而燥金實受氣於陽明以金生於土故也

### 肺癰二

問曰病欬逆脈之何以知此有肺癰當有膿血吐之則死其脈何類師曰寸口脈微而數微則爲風數則爲熱微則汗出數則惡寒風中於衛呼氣不入熱過於營吸而不出風傷皮毛熱傷血脈風舍於衛其人則欬口乾喘滿咽燥不渴多唾濁沫時時振寒熱之所過血爲之凝滯畜結癰膿吐如米粥始萌可救膿成則死

寸口脈微而數微則爲風泄於表數則爲熱鬱於裏微爲風泄則竅開而汗出數爲熱鬱則陰束而惡寒風則傷衛

風愈泄而衛愈閉呼氣不能入熱則傷營衛愈閉而營莫

泄吸氣不能出

出氣為呼風泄於外譬猶呼出泄而不閉是呼氣不入入氣為吸氣閉於內譬猶吸

氣閉而不泄是吸氣不出

風邪外傷其皮毛熱邪內傷其血脈風傷皮

毛故風舍於肺皮毛閉塞肺氣壅阻則生欬嗽口乾喘滿

咽燥不渴多唾濁沫時時振寒熱傷血脈故熱過於營血

脈凝滯痰蒸腐敗化為癰膿癰膿畜結世如米粥始萌可

救膿成則死蓋肺癰之病因胸膈淫盛外感風邪肺氣壅

遏鬱而為熱表則寒熱交作裏則痰濁淫蒸營血腐爛化

而為膿久而肺藏遺敗是以死也

### 肺痿三

肺痿吐涎沫而不欬者其人不渴必遺尿小便數所以然者

以上虛不能制下故也此為肺中冷必眩多唾涎甘草乾薑

湯以溫之若服湯已渴者屬消渴

肺痿之病金被火刑必欬而渴若但吐涎沫而不欬者則  
其人不渴必常遺尿而小便數所以然者以上虛不能制  
下氣不攝水故也此為肺中寒冷必頭眩暈多唾涎以其  
肺胃寒滯陽不歸根是以發眩氣不四達是以多涎甘草  
乾薑湯甘草補中而培土乾薑溫肺而降逆也此肺痿  
之寒者

甘草乾薑湯 百零十 方見傷寒太陽

甘草 四兩 乾薑 二兩

右二味以水三升煮取一升五合去滓分溫再服原方缺  
載取傷

補寒

肺癰四

欬而胸滿振寒脈數咽乾不渴時時濁唾腥臭久久吐膿

米粥者為肺癰桔梗湯主之

欬而胸滿振寒者肺氣鬱阻陽為陰閉也脈數者肺氣不  
一降金被火刑也咽乾不渴者咽燥而肺涇也時出濁唾腥  
臭者肺金味辛而氣腥痰涎淤濁鬱蒸而腐敗久而癰膿  
上吐形如米粥此為肺癰桔梗湯桔梗行痰而破膿甘草  
泄熱而保中也

桔梗湯

百廿一

方見傷寒少陰

桔梗

兩 甘草 兩二

右二味以水三升煮取一升分溫再服則吐膿血也

肺癰五

肺癰喘不得臥葶藶大棗瀉肺湯主之

肺癰喘不得臥肺鬱而氣逆也此緣土虛溼旺濁氣痞塞

腐敗痰蒸肺無降路葶藶大棗瀉肺湯大棗補脾精而保  
中氣葶藶破肺壅而排膿穢也

葶藶大棗瀉肺湯 百十二

葶藶

熬令黃色搗丸如彈子大 大棗 十二枚

右先以水三升取棗煮二升去棗內葶藶煮取一升頓服

欬嗽上氣六

上氣喘而燥者為肺脹欲作風水發汗則愈

欬嗽上氣喘而燥者此為肺脹而氣阻也氣為水母此欲  
作風水以風中皮毛遏閉肺氣不能調水道而輸膀胱也  
素問五藏生成篇欬嗽上氣厥在胸中過在手陽明太陰  
手陽明升則化氣手太陰降則化水欬嗽上氣辛金不降  
無以行水欲作風水之兆也發汗以泄其皮毛而消肺脹

則愈矣

欬嗽上氣七

上氣面浮腫肩息其脈浮大不治又加利尤甚

欬嗽氣壅是以頭面浮腫喘息肩搖是謂肩息其脈浮大者陽根下絕此為不治又加下利中氣敗泄尤為甚也

欬嗽上氣八

欬而上氣此為肺脹其人喘目如脫狀脈浮大者越婢加半夏湯主之

欬而上氣此為肺氣脹滿其人喘阻肺氣上衝目如脫狀脈浮大者是表邪外束而裏氣上逆也越婢加半夏湯薑甘大棗培土而和中石膏麻黃清金而發表半夏降逆而下衝也



越婢加半夏湯

百十三

麻黃

六兩

石膏

半斤

甘草

二兩

大棗

十五枚

生薑

三兩

半夏

半斤

右六味以水六升先煮麻黃去上沫內諸藥煮取三升分

溫三服

咳嗽上氣丸

肺脹欬而上氣煩燥而喘脈浮者心下有水小青龍加石膏湯主之

肺脹欬而上氣煩燥而喘脈浮者此心下有水隔阻金火降路氣阻而發喘欬肺熱而生煩燥也小青龍加石膏湯甘草麻桂補中氣而泄營衛芍藥半夏清膽火而降胃逆薑辛五味下衝氣而止欬喘石膏涼肺蒸而除煩燥也積水化汗而外泄諸證自愈矣

小青龍加石膏湯 百十四

麻黃<sup>二兩</sup>桂枝<sup>三兩</sup>甘草<sup>三兩</sup>芍藥<sup>三兩</sup>半夏<sup>半斤</sup>細辛<sup>三兩</sup>乾薑<sup>三兩</sup>五味

斤石膏<sup>二兩</sup>

右九味以水一斗先煮麻黃去上沫內諸藥煮取三升強人服一升弱者減之日三服小兒服四合

咳嗽上氣十

欬而脈浮者厚樸麻黃湯主之脈沈者澤漆湯主之

欬而脈浮者其病在上是表邪外束裏邪上逆肺金鬱格

而不降也厚樸麻黃湯發表而散寒石膏小麥清金

而潤燥撲杏半夏薑辛五味破壅而降逆欬而脈沈者其

病在下是水邪上汎相火壅阻肺金傷剋而不降也澤漆

湯人參甘草補中而培土生薑半夏降逆而驅濁紫參白

前清金而被壅桂枝黃芩疏木而泄火澤漆決痰而泄水

也脈法浮為在表表  
有寒邪故用麻黃

厚樸麻黃湯 百十五

厚樸兩五杏仁斤半夏斤半乾薑兩二細辛兩二五味斤半石膏斤一雞子大

小麥升一麻黃兩四

煮丸味以水一斗二升先煮小麥熟去滓內諸藥煮取三

升溫服一升日三服

澤漆湯 百十六

澤漆三升以東流水五升煮取一斗五升人參兩三甘草兩三生薑兩五半夏斤半白前

兩五紫參兩五桂枝兩三黃芩兩三

右九味咬咀內澤漆汁中煮取五升溫服五合至夜盡

咳嗽上氣十一

欬而上氣喉中水雞聲射干麻黃湯主之

風寒外閉肺氣鬱阻逆衝咽喉泄之不及以致呼吸堵塞

聲如水雞此緣陽衰土溼中氣不運一感外邪裏氣愈鬱

胃土上逆肺無降路而皮毛既合不得外泄是以逆行上

竅衝塞如此射干麻黃湯射干紫冬味辛薑夏下衝逆而

破壅塞大棗補土而養脾精麻黃發汗而泄表寒也此

血喘之證

射干麻黃湯 百十七

射干十三枚紫苑三兩欬冬三兩五味半斤細辛三兩生薑四兩半夏半升

大棗十枚麻黃四兩

右九味以水一斗二升先煮麻黃二沸去上沫內諸藥煮

取三升分溫三服

欬逆上氣十二

火逆上氣咽喉不利止逆下氣者麥門冬湯主之

土虛胃逆相火不降刑剋辛金肺氣逆衝上竅壅塞故火

逆上氣咽喉不利麥門冬湯甘草參粳米補中而化氣麥

冬半夏清金而降逆也

麥門冬湯 百十八

麥冬七升半夏一斤人參二兩甘草二兩粳米三合大棗十二枚

右六味以水一斗二升煮取六升溫服一升日三夜一服

欬嗽上氣十三

欬逆上氣時時唾濁但能坐而不能眠皂莢丸主之

欬逆上氣時時唾濁但能坐而不得眠者此肺氣之壅閉

也皂莢丸利氣而破壅故能主之

皂莢丸 百十九

皂莢八兩剝去皮用炙酎

右一味末之煉蜜為丸如梧子大以棗甘和湯服三九日

三夜一服

附方

千金生薑甘草湯 六

治肺痿欬唾涎沫不止咽燥而渴者

生薑五兩甘草四兩人參三兩大棗十五枚

右四味以水七升煮取三升分溫三服

千金炙甘草湯 七方見傷寒少陽

治肺痿涎唾多心中溫溫液液者 方在虛勞

外臺桔梗白散 八方見傷寒太陽

治欬而胸滿振寒脈數咽乾不渴時出濁唾臭腥久久吐膿如米粥者為肺癰

桔梗三分貝母三分巴豆一分去皮熬研如脂

右三味為散強人服牛錢匕弱者減之病在膈上者吐膿血膈下者瀉出若下多不止飲冷水一杯則定

肺癰胸脹滿一身面目浮腫鼻塞清涕出不聞香臭酸辛欬

逆上氣喘鳴迫塞葶大棗瀉肺湯主之此係黃氏所缺依要略本補之

